



An Bhruiséil, 11 Nollaig 2017
(OR. en, it)

14082/17
ADD 1

SAN 402
DENLEG 95
AUDIO 122
FISC 254

NÓTA

ó:	Ardrúnaíocht na Comhairle
chuig:	An Chomhairle
Uimh. an doic. roimhe seo:	14080/17 SAN 401 DENLEG 94 AUDIO 121 FISC 253
Ábhar:	Cruinniú na Comhairle Fostaíochta, Beartais Shóisialta, Sláinte agus Gnóthaí Tomhaltóirí ar an 8 Nollaig 2017 Dréacht-Chonclúidí ón gComhairle maidir le gnéithe trasteorann i mbeartas alcóil — dul i ngleic le mí-úsáid alcóil – Glacadh

Gheobhaidh na toscaireachtaí i gceangal leis seo an ráiteas ón Iodáil a dáileadh le linn seisiún na Comhairle (EPSCO) ar an 8 Nollaig 2017 i ndáil le glacadh na gconclúidí ón gComhairle dá dtagraítear thuas.

Ráiteas ón Iodáil i ndáil leis na Conclúidí ón gComhairle maidir leis an mbeartas alcóil

Comhairle EPSCO

(an Bhruiséil, an 8 Nollaig 2017)

Tuigeann an Iodáil go bhfuil rún ag Uachtaránacht na hEastóine aghaidh a thabhairt ar an saincheist seo atá fíor-ábhartha don bheartas sláinte poiblí - an comhrac i gcoinne gnéithe ar leith den mhí-úsáid alcóil - agus mar sin níl sé i gceist againn bac a chur ar ghlacadh na ndréachtchonclúidí.

Mar sin féin, braithimid go gcaithfimid a chur in iúl go bhfuil díomá orainn nár cuireadh gnéithe ar leith -atá tábhachtach dár linn- san áireamh ná nár leagadh béim mhór orthu i dtéacs na gconclúidí seo.

Eascaíonn na pointí seo againn as an méid dearfach atá feicthe againn san Iodáil, mar a bhfuil ceann de na meán-rátaí is ísle ar fad ólacháin san Eoraip agus inar gnách deochanna le méid íseal alcóil a ól ar bhealach measartha, freagrach mar chuid d'aiste bia agus de stíl mhaireachtála shláintiúil - cé nach mór a rá go bhfuil ábhar imní sna treochtaí atá ag teacht chun cinn, go háirithe i measc na n-óg, i dtaca le ró-ólachán.

Dá bhrí sin, b'fhearr linn dá mbeadh ráite go soiléir sna conclúidí nach dtagann aon mhéadú suntasach ar na rioscaí don tsláinte as ólachán ciallmhar, sábháilte. Bheadh an méid sin i gcomhréir freisin leis an gcomhairle ó eagraíochtaí idirnáisiúnta amhail an Eagraíocht Dhomhanda Sláinte agus leis an bhfoclaíocht a úsáideann siad, ina dtagraítear i gcónaí do mhí-úsáid an alcóil seachas dá gnáthúsáid.

Creideann an Iodáil freisin, ar mhaithe le héifeachtacht na mbeartas coisctheach poiblí agus na mbeartas cumarsáide a áirithiú, go háirithe iad siúd atá dírithe ar dhaoine óga, go bhfuil sé ríthábhachtach cur chuige trasearnálach a ghlacadh a mbeidh geallsealbhóirí uile an tionscail á gcur san áireamh leis.

Thairis sin, ní mheasaimid gur léiríodh gur céim éifeachtach é bearta cánacha a ghlacadh; ach a mhalairt ar fad - go bhféadfadh bearta mar sin borradh a chur faoi bhealaí soláthair neamhdhleathacha, lena n-áirítear trí bhealaí malartacha, rud a chuirfeadh sláinte agus sábháilteacht na dtomhaltóirí i mbaol.

Creidimid freisin go bhfuil sé ró-luath plé le ceist an lipéadaithe ós rud é go bhfuil súil againn an togra a fháil ó thionscal na ndeochanna sna chéad míonna den bhliain seo chugainn.

Athdhearbhaímid nár cheart d'aon tionscnamh náisiúnta i dtaca le lipéadú prionsabal na saorghluaiseachta earraí idir na Ballstáit a shárú, prionsabal dá bhforáiltear sna Conarthaí.

Ba mhór ag an Iodáil go gcuirfí an ráiteas seo isteach i miontuairiscí an chruinnithe.
